



ԵՐԵՎԱՆԻ ՔԱՂԱՔԱՊԵՏԱՐԱՆ
ՎԱՐՉԱԿԱՆ ԻՐԱՎԱԽԱՆՏՈՒՄՆԵՐԻ ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺԻՆ

ՈՐՈՇՈՒՄ N° Վ- 3/21

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 19 » հունվար 2022թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակիցներ Հ. Միմոնյանի և Հ. Մարգարյանի կողմից 27.11.2021 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրք) 158-րդ հոդվածի 35-րդ մասով նախատեսված վարչական իրավախախտում, մասնավորապես՝ «Տարգարյեն» սահմանափակ պատասխանատվությամբ ընկերության տնօրեն Սյուզաննա Հովհաննեսի Դավթյանի կողմից Երևան քաղաքի Հյուսիսային պողոտայի հ. 1-4/1 հասցեում գտնվող սահմանափակման ենթակա ծառայության ոլորտի օբյեկտում, առանց համապատասխան թույլտվության իրականացվում էր դիսկոտեկային գործունեություն, որի վերաբերյալ 27.11.2021 թվականին կազմվել է վարչական իրավախախտման վերաբերյալ թիվ 003364 արձանագրությունը (հետայսու՝ արձանագրություն):

Որպես իրավախախտման փաստոր հաստատող ապացույց, իրավախախտման հայտնաբերման պահին տեսանկարահանվել և լուսանկարահանվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

«Տարգարյեն» սահմանափակ պատասխանատվությամբ ընկերության տնօրեն Սյուզաննա Հովհաննեսի Դավթյանը ծանուցված լինելով 19.01.2022 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, հ. 187 հանձնարարագիրը, ընկերության պետական գրանցման վերաբերյալ տեղեկատվությունը, Երևանի քաղաքապետարանի աշխատակազմի առևտրի և ծառայությունների վարչության պետի 12.01.2022 թվականի հ. 15/01-154084 հ գրությունը, իրավախախտման լուսանկարները և տեսանյութը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ 27.11.2021 թվականին «Տարգարյեն» սահմանափակ պատասխանատվությամբ ընկերության տնօրեն Սյուզաննա Հովհաննեսի Դավթյանի կողմից Երևան քաղաքի Հյուսիսային պողոտայի հ. 1-4/1 հասցեում գտնվող սահմանափակման ենթակա ծառայության ոլորտի օբյեկտում, առանց համապատասխան թույլտվության իրականացվել էր դիսկոտեկային գործունեություն:

«Տարգարյեն» սահմանափակ պատասխանատվությամբ ընկերության տնօրեն Սյուզաննա Հովհաննեսի Դավթյանի կողմից թույլ է տրվել Օրենսգրքի 158-րդ հոդվածի 35-րդ մասով նախատեսված վարչական իրավախախտում:

Հաշվի առնելով, որ «Տարգարյեն» սահմանափակ պատասխանատվությամբ ընկերության տնօրեն

հնարավորություն ունենալ ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացվել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետազոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

4. Վարչական ակտը ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անգոյշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 158-րդ հոդվածի 35-րդ մասի համաձայն՝ առանց համայնքի ղեկավարի, իսկ Երևան քաղաքում՝ Երևանի քաղաքապետի թույլտվության սահմանափակման ենթակա ծառայության ոլորտում (կարանկե, դիսկոտեկ, բաղնիք, սաունա կամ շոգեբաղնիք) գործունեություն իրականացնելը՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հիսնապատիկից մինչև հարյուրապատիկի չափով:

Առևտրի և ծառայությունների մասին օրենքի 15.3-րդ հոդվածի 2-րդ կետի համաձայն՝ սահմանափակման ենթակա ծառայության օբյեկտների գործունեության թույլտվությունը տրամադրում է համայնքի ղեկավարը, իսկ Երևան քաղաքում՝ Երևանի քաղաքապետը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 158-րդ հոդվածի 35-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1.«Տարգարյեն» սահմանափակ պատասխանատվությամբ ընկերության տնօրեն Սյուզաննա Հովհաննեսի Դավթյանին Օրենսգրքի 158-րդ հոդվածի 35-րդ մասով ենթարկել վարչական պատասխանատվության՝ նշանակելով վարչական տույժ 100.000 (հարյուր հազար) ՀՀ դրամ գումարի չափով:

2.Նախագգուշացնել «Տարգարյեն» սահմանափակ պատասխանատվությամբ ընկերության տնօրեն Սյուզաննա Հովհաննեսի Դավթյանին, որ Օրենսգրքի 158-րդ հոդվածի 35-րդ մասով նախատեսված արարքը վարչական տույժի նշանակման օրվանից մեկ տարվա ընթացքում կրկին կատարելը՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի երկուհարյուրապատիկից մինչև երեքհարյուրապատիկի չափով:

3.Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4.Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԲԱԺՆԻ ՊԵՏ՝



ԱՐԱՍ ԱՐՈՎՅԱՆ